

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 68 (2006-2007)

Heft: 2: "Unterhaltungsgewalt" - Wirkungen und Gegenmassnahmen ; Neue Medien im Unterricht und im Elternhaus

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 17.04.2026

ETH-Bibliothek Zürich, E-Periodica, <https://www.e-periodica.ch>

● **Conferenza Generala romontscha**

Il 24 da november envida la CGrL magistras e magisters ladins a Zernez ed il 29 da november la CGrS la magistraglia a Laax alla conferenza romontscha. A Laax ein era ils/las collegas dil Grischun central envidai. Uonn sefatschentan omisduas conferenzas cun in'introducziun dils novs cudischs da lungatg. Per scolasts ch'instrueschan lungatg ei il di obligatoric. Cugl onn dad uonn ei l'ediziun dil «Schweizer Sprachbuch» en tuts idioms romontschs naven dalla 2. cl. primara tochen e cun il scalem superiur terminada. Tuttas scolas romontschas disponan pia d'in niev mied d'instrucziun idiomatich cun in cudisch da lungatg ed in carnet da lavur.

L'idea da schaffir quei mied d'instrucziun da lungatg va anavos sil project dalla scola bilingua da Samedan. Chatrina ed Andrea Urech han cheu merets specials ed ein stai

engaschai fermamein (cun biars auters) per la caussa. La finala ha ins transferiu la versiun putera en ils auters idioms. Quella adattaziun ei denton stada ualti hanada ed ha procurau per rumpatestas a redacturas e lectorat. Cun acribia ha ins denton se spruau da far il meglier pusseivel.

Ed oz ha la scola romontscha bia material per l'instrucziun linguistica. Il singul magister/la singula magistra astga e duei far la schelta tenor agen basegn e giavisch. Ils cudischs e carnets sa ins retrer dalla Casa da mieds d'instrucziun dil cantun Grischun, Post da furniziun, Rossbodenstrasse 33, 7004 Cuera ni online www.lmv.gr.ch.

P.S. per scolastAs ch'instrueschan buca lungatg dat ei a Laax modul special. Il menader da Vossa scola ei informaus e nus quintein cun tuts!

● **Offensiva per il diever adequat digl internet**

San geniturs e magistraglia tgei che nos affons e giuvenils traffican davos il monitor? Las pusseivladads da nezegiar computer ed internet per l'atgna informaziun e scolaziun ein grondiusas e maisudidas. Ella reit laghegian denton era numerus prighels sin clientella. Oravontut affons e giuvenils beinmanegions e buca enconuschents cun la pratica dalla reit vegnan unfrenda da fraudaders maligns. La megliera medischina per evitar maldiever ei l'informaziun dils applicaders. Perquei han differentas insti-

tuziuns lantschau in'offensiva d'informaziun sur dil diever dallas medias digitalas. Scola e famiglia Grischun (Schule & Elternhaus Graubünden) offerescha ina formaziun da geniturs e seras da geniturs en caussa. Quei Fegl scolastic grischun tematisescha era la caussa.

Il CCM a Laax (ccm.secretariat@rumantsch.ch) sa intermediar a Vus ulteriuras informaziuns tiel tema.

● **Tuor, Leo. Settembrini. Veta e meinis. Nies Tschespet 73 gest cumparius**



Quels dis ha la Surselva Romontscha presentau il Tschespet 73. Gl'autur, Leo Tuor presenta la historia dil catschadur dubel settembrini, alias Gion Battista Levy, alias Gion

Evangelist Silvester. Sttembrini ei in che crei en historias enstagl en leschas. El fa patgs culs spèrts e metta sal silla cua allas autoritads. El viva ses meinis e miera cun humor – A diu mia olma, al Cantun mia ossa!

Settembrini ei da retrer dalla Lia Rumantscha Surselva, Via principala 42 7031 Laax 081 921 25 52 Irsurselva@rumantsch.ch

● **Atgnamein eis ei in plascher – atgnamein eis ei in scandal!**

Commentari
Martin Mathiuet

Atgnamein eis ei in plascher!

Haveis udiu, David Spinnler, Christian Klucker ed auters han procurau ch'ils affons romontschs han la pusseivladad da frequentar lecziuns da romontsch ella scola da Tumein! Exemplaric! Tals geniturs e fautors cun iniziativa privata drova la Romontschia urgentamein! Bravo! Tonta schientscha fagess bein en ed ordeifer la tiara Romontscha!

Atgnamein eis ei in scandal!

Haveis udiu, la scola da Tumein ei buca promta da sorprendere ils cuosts per las lecziuns da romontsch! Ils geniturs ston pagar sez la scolasta! Sco sch'ils Romontschs da Tumein – e da quels dat ei aunc in per – pagassan buca taglia da vischnaunca!! A mi para quei monstrus ch'affons che vulan tgirar gl'agen lungatg mumma ston pagar sez l'instrucziun! Persuenter selaudan politichers nunstuncienteivlamein ch'il Grischun seigi in cantun triling e la trilinguitad seigi secapecha da promover!

Atgnamein eis ei in plascher!

Il marcau da Cuera meina dapi entgins onns ina scola bilingua rumantsch/tudestga! Naturalmein ch'il marcau paga era quella scola! Il marcau da Turitg discutescha proximamein l'introducziun d'instrucziun en romontsch sin basa voluntaria! A buc'olma vegness endamen da far pagar ils geniturs quella purschida!

Encuret

collaboraturAs per lavur vid il niev mied d'instrucziun per geografia e historia (4.–6. cl.).

Ulteriuras Informaziuns:

Giuseppina Rüegg,

Ruschein, 081 925 19 78,

gjusi.rueegg@bluewin.ch